

▼B▼C1

RIALACHÁN (AE) 2022/263 ÓN gCOMHAIRLE

an 23 Feabhra 2022

a bhaineann le bearta sriantacha mar fhreagairt ar aitheantas a thabhairt do na limistéir nach bhfuil faoi rialú an rialtais i réigiúin Donetsk agus Luhansk na hÚcráine agus ar an ordú fórsaí armtha na Rúise a chur chun na limistéir sin

Airteagal 1

Chun críocha an Rialacháin seo, tá feidhm ag na sainmhínte seo a leanas:

- (a) ciallaíonn “seirbhísí bróicéireachta”:
- (i) caibidlíocht nó socrú idirbheart chun earraí agus teicneolaíocht nó seirbhísí airgeadais agus teicniúla a cheannach, a dhíol nó a sholáthar, lena n-áirítear ó thríú tír chuig aon tríú tír eile; nó
 - (ii) chun earraí agus teicneolaíocht nó seirbhísí airgeadais agus teicniúla a dhíol nó a cheannach, lena n-áirítear i gcás ina bhfuil siad lonnaithe i dtríú tíortha lena n-aistriú chuig tríú tír eile;
- (b) ciallaíonn “éileamh” aon éileamh, bíodh sé dearbhaithe le himeachtaí dlíthiúla nó ná bíodh, arna dhéanamh roimh an 24 Feabhra 2022 nó ina dhiaidh, faoi chonradh nó idirbheart, nó i ndáil le conradh nó idirbheart, agus go háirithe:
- (i) éileamh ar chomhlíonadh aon oibleagáide a thioctadh chun cinn faoi chonradh nó idirbheart nó i ndáil le conradh nó idirbheart;
 - (ii) éileamh ar shíneadh a chur le banna, le ráthaíocht airgeadais nó le slánaíocht, i cibé foirm, nó éileamh ar iad a íoc;
 - (iii) éileamh ar chúiteamh i leith conartha nó idirbheart;
 - (iv) frithéileamh;
 - (v) éileamh ar bhreithiúnas, dámhachtain eadrána nó cinneadh coibhéiseach, gan beann ar an áit ina ndéantar nó ina dtugtar iad, a aithint nó a fhorfheidhmiú, lena n-áirítear trí bhíthin an nós imeachta *exequatur*;
- (c) ciallaíonn “conradh nó idirbheart” aon idirbheart cibé foirm ina bhfuil sé, cibé dlí is infheidhme, agus cibé acu a chuimsíonn sé conradh amháin nó níos mó ná sin nó oibleagáidí comhchosúla a dhéantar idir na páirtithe na páirtithe céanna nó páirtithe éagsúla; chun na críche sin cuimsítear le “conradh” banna, ráthaíocht nó slánaíocht, ráthaíocht airgeadais nó slánaíocht airgeadais go háirithe, agus creidmheas, bíodh sin neamhspleách ó thaobh dlí nó ná bíodh, chomh maith le haon fhoráil ghaolmhar a eascraíonn as an idirbheart nó i dtaca leis;
- (d) ciallaíonn “críocha sonraithe” limistéar nach bhfuil faoi rialú an rialtais i réigiúin Donetsk agus Luhansk na hÚcráine;

▼ C1

- (e) ciallaíonn “eintiteas sna críocha sonraithe” aon eintiteas a bhfuil a oifig chláraithe, riarachán lárnach nó a phríomháit ghnó aige sna críocha sonraithe, a fhochuideachtaí nó a chleamhnaithe faoina rialú sna críocha sonraithe, chomh maith le brainsí agus eintitis eile a oibríonn sna críocha sonraithe;
- (f) ciallaíonn “earraí de thionscnamh na gcríoch sonraithe” earraí a fhaightear go hiomlán sna críocha sonraithe nó ina ndearnadh an claoclú substainteach deireanach orthu, i gcomhréir, *mutatis mutandis* le hAirteagal 60 de Rialachán (AE) Uimh. 952/2013 ó Pharlaimint na hEorpa agus ón gComhairle an 9 Deireadh Fómhair 2013 lena leagtar síos Cód Custaim an Aontais ⁽¹⁾;
- (g) ciallaíonn “seirbhísí infheistíochta” na seirbhísí agus na gníomhaíochtaí seo a leanas:
- (i) orduithe a ghlacadh agus a tharchur i ndáil le hionstraim airgeadais amháin nó níos mó,
 - (ii) orduithe a fhorghníomhú thar ceann cliant,
 - (iii) déileáil ar a chuntas féin,
 - (iv) bainistíocht punainne,
 - (v) comhairle infheistíochta,
 - (vi) ionstraimí airgeadais a fhrithghealladh agus/nó ionstraimí airgeadais a chur ar bhonn gealltanais daingean,
 - (vii) ionstraimí airgeadais a chur gan bonn gealltanais dhaingin,
- (h) ciallaíonn “cúnamh teicniúil” aon tacaíocht theicniúil a bhaineann le deisiúcháin, forbairt, monarú, cóimeáil, tástáil, cothabháil nó aon seirbhís theicniúil eile, agus féadfaidh sé a bheith i bhfoirm teagaisc, comhairle, oiliúna, eolais nó scileanna oibre a tharchur nó seirbhísí comhairliúcháin; áirítear le cúnamh teicniúil cineálacha cúnamh ó bhéal;
- (i) ciallaíonn “críoch an Aontais” críocha na mBallstát a bhfuil feidhm ag an gConradh maidir leo, faoi na coinníollacha a leagtar síos sa Chonradh, lena n-áirítear aerspás na mBallstát sin;
- (j) ciallaíonn “údarás inniúla” údarás inniúla na mBallstát faoi mar a shainnítear iad ar na suíomhanna gréasáin a liostaítear in Iarscríbhinn I.

Airteagal 2

1. Beidh toirmeasc ar an méid seo a leanas:
- (a) earraí de thionscnamh na gcríoch sonraithe a allmhairiú isteach san Aontas Eorpach;
 - (b) maoiniú nó cúnamh airgeadais chomh maith le hárachas nó athárachas a bhaineann le hallmhairiú na n-earraí dá dtagraítear i bpointe (a) a sholáthar go díreach nó go hindíreach.

⁽¹⁾ IO L 269, 10.10.2013, lch. 1.

▼ **C1**

2. Ní bheidh feidhm ag an toirmeasc i mír 1 maidir le:
- (a) forghníomhú go dtí an 24 Bealtaine 2022 conarthaí trádála arna dtabhairt i gcrích roimh an 23 Feabhra 2022, nó conarthaí coimhdeacha is gá chun na conarthaí sin a fhorghníomhú, ar choinníoll go ndéanann na daoine nádúrtha nó dlítheanacha, an t-eintiteas nó an comhlacht atá ag féachaint leis an gconradh a fheidhmiú, ar a laghad 10 lá oibre roimh ré, údarás inniúil an Bhallstáit ina bhfuil siad bunaithe ar an eolas maidir leis an gníomhaíocht nó an idirbheart;
 - (b) earraí de thionscnamh na gcríoch sonraithe a chuirtear ar fáil d'údaráis na hÚcráine lena scrúdú, a ndearnadh comhlíonadh na gcoinníollacha lena dtugtar teidlíocht do thionscnamh fabhrach a fhíorú ina leith agus ar eisíodh deimhniú tionscnaimh ina leith i gcomhréir leis an gComhaontú Comhlachais idir an tAontas Eorpach agus an Úcráin.

Airteagal 3

1. Toirmeascfar an méid seo a leanas:
- (a) aon rannpháirtíocht nua in úinéireacht réadmhaoine atá lonnaithe sna críocha sonraithe a fháil nó aon rannpháirtíocht atá ann cheana a leathnú;
 - (b) aon rannpháirtíocht nua in úinéireacht nó i rialú eintitis sna críocha sonraithe a fháil, nó aon rannpháirtíocht atá ann cheana leathnú, lena n-áirítear eintiteas den sórt sin a fháil ina iomláine nó scaireanna a fháil ann, agus urrúis eile de chineál rannpháirteach i dtaca le heintiteas den sórt sin;
 - (c) aon socrú a dheonú nó a bheith ina chuid d'aon socrú aon iasacht nó aon chreidmheas a dheonú nó maoiniú a sholáthar ar shlí eile, lena n-áirítear caipiteal cothromais, d'eintiteas sna críocha sonraithe, nó chun na críche doiciméadaithe eintiteas den sórt sin a mhaoiniú;
 - (d) aon chomhfhiontar a chruthú sna críocha sonraithe nó i dteannta eintiteas sna críocha sonraithe;
 - (e) seirbhísí infheistíochta a bhaineann go díreach leis na gníomhaíochtaí dá dtagraítear i bpointe (a) go pointe (d) a sholáthar.
2. Ní bhainfidh na toirmisc ná na srianta a leagtar amach san Airteagal seo le gnó dlisteanach a dhéanamh le heintitis lasmuigh de na críocha sonraithe, ar an gcoinníoll nach bhfuil na hinfeistíochtaí gaolmhara dírithe ar eintitis sna críocha sonraithe.
3. Beidh na toirmisc i mír 1 gan dochar d'fhorghníomhú oibleagáide a eascraíonn as conradh a tugadh i gcrích roimh an 23 Feabhra 2022, nó as conarthaí coimhdeacha is gá chun an conradh sin a fhorghníomhú, ar choinníoll go gcuirtear an t-údarás inniúil ar an eolas 5 lá oibre roimh ré ar a laghad.

Airteagal 4

1. Toirmeascfar earraí agus teicneolaíocht mar a liostaítear in Iarscríbhinn II a dhíol, a sholáthar, a aistriú nó a onnmhairiú:
- (a) chuig aon duine nádúrtha nó dlítheanach, chuig eintiteas nó chuig comhlacht sna críocha sonraithe, nó
 - (b) lena n-úsáid sna críocha sonraithe.

▼ C1

Cuimseofar in Iarscríbhinn II earraí agus teicneolaíochtaí áirithe atá oiriúnach lena n-úsáid sna príomhearnálacha seo a leanas:

- (i) an t-iompar;
- (ii) teileachumarsáid;
- (iii) fuinneamh;
- (iv) sirtheoireacht, taiscéalaíocht agus táirgeadh ola, gáis agus acmhainní mianracha.

2. Toirmeascfar an méid seo a leanas:

- (a) cúnamh teicniúil nó seirbhísí bróicéireachta a bhaineann leis na hearraí agus leis an teicneolaíocht a liostaítear in Iarscríbhinn II, nó a bhaineann le soláthar, le monarú, le cothabháil agus le húsáid earraí a chuimseofar sa liosta sin, a sholáthar d'aon duine nádúrtha nó dlítheanach, d'aon eintiteas nó d'aon chomhlacht sna críocha sonraithe, go díreach nó go indíreach;
- (b) maoiniú nó cúnamh airgeadais a bhaineann leis na hearraí agus leis an teicneolaíocht a liostaítear in Iarscríbhinn II a sholáthar d'aon duine nádúrtha nó dlítheanach, eintiteas nó comhlacht sna críocha sonraithe nó lena n-úsáid sna críocha sonraithe, go díreach nó go hindíreach.

3. Beidh na toirmisc i mír 1 agus mír 2 gan dochar d'fhorghníomhú oibleagáide go dtí an 24 Lúnasa 2022, arb oibleagáid í a eascraíonn as Conradh a tugadh i gcrích roimh an 23 Feabhra 2022, nó ó chonarthaí coimhdeacha is gá chun na conarthaí sin a fhorghníomhú, ar choinníoll go gcuirtear an t-údarás inniúil ar an eolas 5 lá oibre roimh ré ar a laghad.

▼ M2*Airteagal 4a*

1. Ní bheidh feidhm ag na toirmisc a leagtar amach in Airteagal 4 maidir leis an méid seo a leanas:

- (a) díolachán, soláthar, aistriú ná onnmhairiú na n-earraí nó na teicneolaíochta a liostaítear in Iarscríbhinn II;
- (b) cúnamh teicniúil ná seirbhísí bróicéireachta a sholáthar go díreach nó go hindíreach ar cúnamh nó seirbhísí iad a bhaineann leis na hearraí agus leis an teicneolaíocht a liostaítear in Iarscríbhinn II nó a bhaineann le soláthar, monaraíocht, cothabháil agus úsáid na nithe sin; nó
- (c) maoiniú ná cúnamh airgeadais a sholáthar go díreach nó go hindíreach, ar maoiniú nó cúnamh é a bhaineann leis na hearraí agus leis an teicneolaíocht a liostaítear in Iarscríbhinn II, d'aon duine nádúrtha nó dlítheanach, d'eintiteas nó do chomhlacht sna críocha sonraithe nó lena n-úsáid sna críocha sonraithe ag na grúpaí seo a leanas:

— comhlachtaí poiblí nó daoine dlítheanacha, eintitis nó comhlachtaí a fhaigheann maoiniú ón Aontas nó ó na Ballstáit, ar choinníoll go bhfuil gá leis na hearraí, an teicneolaíocht, na seirbhísí agus an cúnamh sin chun críoch daonnúil go heisiach sna críocha sonraithe;

▼ M2

- eagraíochtaí agus gníomhaireachtaí a ndéanann an tAontas measúnú colúin orthu agus lenar shínigh an tAontas comhaontú comhpháirtíochta maidir le creat airgeadais ar comhaontú é ar bunaithe air a ghníomhaíonn na heagraíochtaí agus na gníomhaireachtaí mar chomhpháirtithe daonnúla de chuid an Aontais, ar choinníoll go bhfuil gá leis na hearraí, an teicneolaíocht, na seirbhísí agus an cúnamh sin chun críoch daonnúil go heisiach sna críocha sonraithe;
- eagraíochtaí agus gníomhaireachtaí ar dheonaigh an tAontas Deimhniú Comhpháirtíochta Daonnúla dóibh nó a dheimhnítear nó a aithnítear ag Ballstát i gcomhréir le nósanna imeachta náisiúnta, ar choinníoll go bhfuil gá leis na hearraí, an teicneolaíocht, na seirbhísí agus an cúnamh sin chun críoch daonnúil go heisiach sna críocha sonraithe; nó
- gníomhaireachtaí speisialaithe na mBallstát, ar choinníoll go bhfuil gá leis na hearraí, an teicneolaíocht, na seirbhísí agus an cúnamh sin chun críoch daonnúil go heisiach sna críocha sonraithe.

2. De mhaolú ar Airteagal 4, i gcásanna nach gcumhdaítear le mír 1 den Airteagal seo, féadfaidh na húdaráis inniúla, faoi cibé coinníollacha ginearálta agus sonracha is iomchuí leo, údaruithe sonracha nó ginearálta a dheonú maidir leis an méid seo a leanas:

- (a) díolachán, soláthar, aistriú ná onnmhairiú na n-earraí nó na teicneolaíochta a liostaítear in Iarscríbhinn II;
- (b) cúnamh teicniúil ná seirbhísí bróicéireachta a sholáthar go díreach nó go hindíreach ar cúnamh nó seirbhísí iad a bhaineann leis na hearraí agus leis an teicneolaíocht a liostaítear in Iarscríbhinn II nó a bhaineann le soláthar, monaraíocht, cothabháil agus úsáid na nithe sin; nó
- (c) maoiniú nó cúnamh airgeadais a bhaineann leis na hearraí agus leis an teicneolaíocht a liostaítear in Iarscríbhinn II a sholáthar go díreach nó go hindíreach d'aon duine nádúrtha nó dlítheanach,

d'eintiteas nó do chomhlacht sna críocha sonraithe nó lena n-úsáid sna críocha sonraithe sin, ar choinníoll go bhfuil gá leis na hearraí, an teicneolaíocht, na seirbhísí agus an cúnamh sin chun críoch daonnúil sna críocha sonraithe.

3. Cuirfidh an Ballstát lena mbaineann na Ballstáit eile agus an Coimisiún ar an eolas faoi aon údarú a dheonaítear faoi mhír 2 laistigh de 2 sheachtain ón údarú.

4. Ní dhéanfaidh aon ní san Airteagal seo difear don chomhlíontacht le Rialachán (AE) Uimh. 269/2014 ón gComhairle ⁽¹⁾.

▼ C1*Airteagal 5*

1. Toirmeascfar cúnamh teicniúil, nó seirbhísí bróicéireachta, tógála nó innealtóireachta a sholáthar, ar seirbhísí iad a bhaineann go díreach le bonneagar sna críocha sonraithe sna hearnálacha dá dtagraítear in Airteagal 4(1) mar a shainítear ar bhonn Iarscríbhinn II iad, neamhspleách ar thionscnamh na n-earraí agus na teicneolaíochta.

⁽¹⁾ Rialachán (AE) Uimh. 269/2014 ón gComhairle an 17 Márta 2014 a bhaineann le bearta sriantacha i ndáil le gníomhaíochtaí lena mbaintear an bonn d'iomláine chríochach, de cheannasacht agus de neamhspleáchas na hÚcráine nó ar bagairt iad na gníomhaíochtaí sin ar an méid sin (IO L 78, 17.3.2014, lch 6).

▼ C1

2. An toirmeasc i mír 1, beidh siad gan dochar do chur i gcrích oibleagáide, go dtí an 24 Lúnasa 2022, arb oibleagáid í a eascraíonn as conradh arna thabhairt i gcrích roimh an 23 Feabhra 2022, nó le conarthaí coimhdeacha is gá chun an conradh sin a chur i gcrích.

3. Toirmeascfar páirt a ghlacadh, go feasach agus d'aon turas, i gníomhaíochtaí arb é is cuspóir nó éifeacht dóibh dul timpeall ar na toirmisc sin dá dtagraítear i mír 1 agus mír 2.

▼ M2*Airteagal 5a*

1. Na toirmisc a leagtar amach in Airteagal 5(1), ní bheidh feidhm acu maidir le cúnadh teicniúil a sholáthar, ná seirbhísí bróicéireachta, tógála ná innealtóireachta a sholáthar a bhaineann go díreach leis an mbonneagar sna críocha sonraithe sna hearnálacha dá dtagraítear in Airteagal 4(1) mar a shainítear ar bhonn Iarscríbhinn II, gan beann ar thionscnamh na n-earraí agus na teicneolaíochta, ar cúnadh nó seirbhísí iad arna soláthar ag na grúpaí seo a leanas:

- (a) comhlachtaí poiblí nó daoine dlítheanacha, eintitis nó comhlachtaí a fhaigheann maoiniú poiblí ón Aontas nó ó na Ballstáit, ar choinníoll go bhfuil gá leis an gcúnadh agus leis na seirbhísí sin chun críoch daonnúil go heisiach sna críocha sonraithe;
- (b) eagraíochtaí agus gníomhaireachtaí a ndéanann an tAontas measúnú colúin orthu agus lenar shínigh an tAontas comhaontú comhpháirtíochta maidir le creat airgeadais ar comhaontú é ar bunaithe air a ghníomhaíonn na heagraíochtaí agus na gníomhaireachtaí mar chomhpháirtithe daonnúla de chuid an Aontais, ar choinníoll go bhfuil gá le cúnadh agus seirbhísí den sórt sin chun críoch daonnúil go heisiach sna críocha sonraithe;
- (c) eagraíochtaí agus gníomhaireachtaí ar dheonaigh an tAontas Deimhniú Comhpháirtíochta Daonnúla dóibh nó a dheimhnítear nó a aithnítear ag Ballstát i gcomhréir le nósanna imeachta náisiúnta, ar choinníoll go bhfuil gá leis an gcúnadh agus leis na seirbhísí sin chun críoch daonnúil go heisiach sna críocha sonraithe; nó
- (d) gníomhaireachtaí speisialaithe na mBallstát, ar choinníoll go bhfuil gá leis an gcúnadh agus leis na seirbhísí sin chun críoch daonnúil go heisiach sna críocha sonraithe.

2. De mhaolú ar Airteagal 5(1), i gcásanna nach gcumhdaítear le mír 1 den Airteagal seo, féadfaidh na húdaráis inniúla, faoi cibé coiníollacha ginearálta agus sonracha is iomchuí leo, údaruithe sonracha nó ginearálta a dheonú maidir le soláthar cúnaimh theicniúil nó seirbhísí bróicéireachta, tógála nó innealtóireachta a bhaineann go díreach leis an mbonneagar sna críocha sonraithe sna hearnálacha dá dtagraítear in Airteagal 4(1) mar a shainítear ar bhonn Iarscríbhinn II, gan beann ar thionscnamh na n-earraí agus na teicneolaíochta, ar choinníoll go bhfuil gá leis an gcúnadh agus leis na seirbhísí sin chun críoch daonnúil go heisiach sna críocha sonraithe.

3. Cuirfidh an Ballstát lena mbaineann na Ballstáit eile agus an Coimisiún ar an eolas faoi aon údarú a dheonaítear faoi mhír 2 laistigh de 2 sheachtain ón údarú.

4. Ní dhéanfaidh aon ní san Airteagal seo difear don chomhlíontacht le Rialachán (AE) Uimh. 269/2014.

▼ C1*Airteagal 6*

1. Seirbhísí a bhaineann go díreach le gníomhaíochtaí turasoíreachta, toirmeascfar iad a sholáthar sna críocha sonraithe.
2. Beidh an toirmeasc i mír 1 gan dochar d'fhorghníomhú oibleagáide go dtí an 24 Lúnasa 2022, arb oibleagáid í a eascraíonn as conradh nó as conradh coimhdeach a tugadh i gcrích roimh an 23 Feabhra 2022, nó as conarthaí coimhdeacha is gá chun na conarthaí sin a fhorghníomhú, ar choinníoll go gcuirtear an t-údarás inniúil ar an eolas 5 lá oibre roimh ré ar a laghad.

Airteagal 7

1. Féadfaidh na húdaráis inniúla údarú a dheonú, faoi cibé téarmaí agus coinníollacha a mheasfaidh siad is iomchuí, i ndáil leis na gníomhaíochtaí dá dtagraítear in Airteagal 3(1) agus Airteagal 4(2), agus i ndáil leis na hearraí agus leis an teicneolaíocht dá dtagraítear in Airteagal 4(1), ar choinníoll an mhéid seo a leanas:

- (a) tá gá leis na gníomhaíochtaí chun críocha oifigiúla misin chonsálaigh nó eagraíochtaí idirnáisiúnta a bhfuil díolúintí acu i gcomhréir leis an dlí idirnáisiúnta atá sna críocha sonraithe;
- (b) baineann na gníomhaíochtaí le tionscadail a thacaíonn go heisiach le hospidéil, nó le hinstiúidí sláinte poiblí eile a sholáthraíonn seirbhísí leighis nó le forais oideachais shibhialta atá suite sna críocha sonraithe; nó
- (c) is fearais nó trealamh chun críche úsáide leighis iad.

2. Féadfaidh na húdaráis inniúla údarú a dheonú freisin, faoi cibé téarmaí agus coinníollacha a mheasfaidh siad is iomchuí, i ndáil leis na gníomhaíochtaí dá dtagraítear in Airteagal 3(1), ar choinníoll gur chun críocha cothabhála chun sábháilteacht an bhonneagair atá ann cheana a áirithiú é an t-idirbheart.

3. Féadfaidh na húdaráis inniúla údarú a dheonú freisin, faoi cibé téarmaí agus coinníollacha a mheasfaidh siad a bheith iomchuí, i ndáil leis na gníomhaíochtaí dá dtagraítear in Airteagal 3(1) agus Airteagal 4(2), agus i ndáil leis na hearraí agus leis an teicneolaíocht dá dtagraítear in Airteagal 4(1) agus i ndáil leis na seirbhísí dá dtagraítear in Airteagal 5, i gcás inar gá díol, soláthar, aistriú nó onnmhairiú na n-ítimí nó cur i gcrích na ngníomhaíochtaí sin chun teagmhas ar dócha go mbeadh tionchar tromchúiseach agus suntasach aige ar shláinte agus ar shábháilteacht an duine, lena n-áirítear sábháilteacht an bhonneagair atá ann cheana, nó sábháilteacht an chomhshaoil, a chosc go práinneach nó a mhaolú. I gcásanna éigeandála a mbeidh údar cuí leo, féadfar an díol, an soláthar, an t-aistriú nó an t-onnmhairiú a dhéanamh gan réamhúdarú, ar choinníoll go dtabharfaidh an t-onnmhaireoir fógra don údarás inniúil laistigh de 5 lá oibre ó lá an díola, an tsoláthair, an aistrithe nó an onnmhairithe, agus go mbeidh leis an bhfógra sin mionsonra faoin údar cuí a bhí leis an díol, leis an soláthar, leis an aistriú nó leis an onnmhairiú a rinneadh gan réamhúdarú.

Ba cheart don Choimisiún agus do na Ballstáit a chéile a chur ar an eolas faoi na bearta a ghlactar faoin mír seo agus faoi fhaisnéis ábhartha eile atá ar fáil dóibh.

▼ C1*Airteagal 8*

Toirmeascfar páirt a ghlacadh, go feasach agus d'aon turas, lena n-áirítear páirt a ghlacadh go hindíreach, i ngníomhaíochtaí arb é is cuspóir nó éifeacht dóibh dul timpeall ar na toirmisc sin a leagtar síos sa Rialachán seo.

Airteagal 9

Ní bheidh aon dliteanas d'aon sórt ar dhaoine nádúrtha ná dlítheanacha, ar eintitis ná comhlachtaí de thoradh gníomhaíochtaí a dhéanfaidh siad mura raibh a fhios acu, nó nach raibh cúis réasúnach acu amhras a bheith orthu go sáródh a ngníomhaíochtaí na bearta a leagtar amach sa Rialachán seo.

Airteagal 10

1. Ní shásófar aon éileamh i ndáil le haon chonradh ná idirbheart a ndearnadh dífeare dá bhfeidhmiú, go díreach nó go hindíreach, go hiomlán nó go páirteach, leis na bearta a fhorchuirtear faoin Rialachán seo, lena n-áirítear éilimh ar shlánaíocht ná aon éileamh eile den sórt sin, amhail éileamh ar chúiteamh nó éileamh faoi réir ráthaíochta, go háirithe éileamh ar shíneadh a chur le banna, ar ráthaíocht nó ar shlánaíocht nó iad a íoc, go háirithe ráthaíocht airgeadais nó slánaíocht airgeadais, i cibé foirm, más rud é gur ceann de na páirtithe seo a leanas a dhéanann an t-éileamh:

- (a) daoine nádúrtha nó dlítheanacha, eintitis nó comhlachtaí a liostaítear in Iarscríbhinn I a ghabhann le Rialachán (AE) Uimh. 269/2014 ón gComhairle ⁽¹⁾;
- (b) aon duine nádúrtha nó dlítheanach, eintiteas nó comhlacht atá ag gníomhú trí bhithin nó thar ceann duine de na daoine, nó ceann amháin de na heintitis nó na comhlachtaí dá dtagraítear i bpointe (a);
- (c) aon duine nádúrtha nó dlítheanach, eintiteas nó comhlacht a ndearnadh cinneadh eadrána, breithiúnach nó riaracháin é a bheith tar éis sárú a dhéanamh ar na toirmisc a leagtar amach sa Rialachán seo;
- (d) aon duine nádúrtha nó dlítheanach, eintiteas nó comhlacht, má bhaineann an t-éileamh le hearraí a bhfuil a n-allmhairiú toirmisceithe faoi Airteagal 2(1).

2. In aon imeacht chun éileamh a fhorfheidhmiú, is faoin duine nádúrtha nó dlítheanach, faoin eintiteas nó faoin gcomhlacht atá ag iarraidh an t-éileamh sin a fhorfheidhmiú, a bheidh sé a chruthú nach dtoirmeascfar an t-éileamh a shásamh le mír 1.

3. Tá an tAirteagal seo gan dochar don cheart atá ag daoine nádúrtha nó dlítheanacha, eintitis nó comhlachtaí dá dtagraítear i mír 1 chun athbhreithniú breithiúnach ar dhlíthiúlacht neamhchomhlíonadh na n-ibleagáidí conarthacha i gcomhréir leis an Rialachán seo.

⁽¹⁾ Rialachán (AE) Uimh. 269/2014 an 17 Márta 2014 ón gComhairle maidir le bearta sriantacha i ndáil le gníomhaíochtaí lena mbaintear an bonn d'iomláine chríochach, de cheannasacht agus de neamhspleáchas na hÚcráine nó ar bagairt iad na gníomhaíochtaí sin ar an méid sin (IO L 78, 17.3.2014, lch. 6).

▼C1

Airteagal 11

1. Cuirfidh an Coimisiún agus na Ballstáit a chéile ar an eolas faoi na bearta arna ndéanamh faoin Rialachán seo agus roinnfidh siad aon fhaisnéis ábhartha a bhfuil teacht acu uirthi lena chéile i gcomhréir leis an Rialachán seo, go háirithe faisnéis i dtaca le sárú agus fadhbanna forfheidhme agus breithiúnais arna dtabhairt ag na cúirteanna náisiúnta.
2. Cuirfidh na Ballstáit a chéile agus an Coimisiún ar an eolas láithreach faoi aon fhaisnéis ábhartha eile atá ar fáil dóibh a d'fhéadfadh difear a dhéanamh do chur chun feidhme éifeachtach an Rialacháin seo.

Airteagal 12

Cumhachtófar don Choimisiún Iarscríbhinn I a leasú ar bhonn na faisnéise a sholáthróidh na Ballstáit.

Airteagal 13

1. Déanfaidh na Ballstáit na rialacha a bhaineann leis na pionóis is infheidhme maidir le sáruithe ar fhorálacha an Rialacháin seo a leagan síos agus glacfaidh siad gach beart is gá lena áirithiú go gcuirfear chun feidhme iad. Ní mór na pionóis dá bhforáiltear a bheith éifeachtach, comhréireach agus athchomhairleach.
2. Tabharfaidh na Ballstáit fógra gan mhoill don Choimisiún faoi na rialacha dá dtagraítear i mír 1 tar éis theacht i bhfeidhm an Rialacháin seo agus tabharfaidh siad fógra dó faoi aon leasú ina dhiaidh sin.

Airteagal 14

1. Ainmneoidh na Ballstáit na húdaráis inniúla dá dtagraítear sa Rialachán seo agus saináithneoidh siad na húdaráis sin ar na suíomhanna gréasáin a liostaítear in Iarscríbhinn I. Tabharfaidh na Ballstáit fógra don Choimisiún faoi aon athrú ar sheoltaí a suíomhanna gréasáin a liostaítear in Iarscríbhinn I.
2. Tabharfaidh na Ballstáit fógra gan mhoill don Choimisiún faoina n-údaráis inniúla, lena n-áirítear sonraí teagmhála na n-údarás inniúil sin, tar éis theacht i bhfeidhm an Rialacháin seo agus tabharfaidh siad fógra dó faoi aon leasú ina dhiaidh sin.
3. I gcás ina leagtar amach leis an Rialachán seo ceanglas maidir le fógra a thabhairt don Choimisiún, an Coimisiún a chur ar an eolas nó cumarsáid a dhéanamh leis ar shlí eile, is iad an seoladh agus na sonraí teagmhála eile a shonraítear in Iarscríbhinn I an seoladh agus na sonraí teagmhála atá le húsáid le haghaidh na cumarsáide sin.

Airteagal 15

Beidh feidhm ag an Rialachán seo:

- (a) laistigh de chríoch an Aontais, lena n-áirítear a aerspás;
- (b) ar bord aon aerárthaigh nó aon soithigh faoi dhlínse Ballstáit;
- (c) maidir le haon duine, laistigh de chríoch an Aontais nó lasmuigh di, ar náisiúnach Ballstáit é;

▼ **C1**

- (d) maidir le haon duine dlítheanach, eintiteas nó comhlacht, laistigh de chríoch an Aontais nó lasmuigh di, atá corpraithe nó comhdhéanta faoi dhlí Ballstáit;
- (e) maidir le haon duine dlítheanach, eintiteas nó comhlacht i leith aon ghnó a dhéantar go hiomlán nó go páirteach laistigh den Aontas.

Airteagal 16

Tiocfaidh an Rialachán seo i bhfeidhm an lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

▼ C1*IARSCRÍBHINN 1*

Suíomhanna gréasáin le haghaidh faisnéis maidir le húdaráis inniúla na mBallstáit agus an seoladh chun fógra a chur chuig an gCoimisiún Eorpach

▼ M1

AN BHEILG

https://diplomatie.belgium.be/en/policy/policy_areas/peace_and_security/sanctions

AN BHULGÁIR

<https://www.mfa.bg/en/EU-sanctions>

AN tSEICIA

www.financnianalytickyrad.cz/mezinarodni-sankce.html

AN DANMHAIRG

<http://um.dk/da/Udenrigspolitik/folkeretten/sanktioner/>

AN GHEARMÁIN

<https://www.bmwi.de/Redaktion/DE/Artikel/Aussenwirtschaft/embargos-aussenwirtschaftsrecht.html>

AN EASTÓIN

<https://vm.ee/et/rahvusvahelised-sanktsioonid>

ÉIRE

<https://www.dfa.ie/our-role-policies/ireland-in-the-eu/eu-restrictive-measures/>

AN GHRÉIG

<http://www.mfa.gr/en/foreign-policy/global-issues/international-sanctions.html>

AN SPÁINN

<https://www.exteriores.gob.es/es/PoliticaExterior/Paginas/SancionesInternacionales.aspx>

AN FHRAINIC

<http://www.diplomatie.gouv.fr/fr/autorites-sanctions/>

AN CHRÓIT

<https://mvep.gov.hr/vanjska-politika/medjunarodne-mjere-ogranicavanja/22955>

AN IODÁIL

https://www.esteri.it/it/politica-estera-e-cooperazione-allo-sviluppo/politica_europea/misure_deroghe/

AN CHIPIR

<https://mfa.gov.cy/themes/>

AN LAITVIA

<http://www.mfa.gov.lv/en/security/4539>

AN LIOTUÁIN

<http://www.urm.lt/sanctions>

▼ M1

LUCSAMBURG

<https://maee.gouvernement.lu/fr/directions-du-ministere/affaires-europeennes/organisations-economiques-int/mesures-restrictives.html>

AN UNGÁIR

<https://kormany.hu/kulgazdasagi-es-kulugyminiszterium/ensz-eu-szankcios-tajekoztato>

MÁLTA

<https://foreignandeu.gov.mt/en/Government/SMB/Pages/SMB-Home.aspx>

AN ÍSILTÍR

<https://www.rijksoverheid.nl/onderwerpen/internationale-sancties>

AN OSTAIR

<https://www.bmeia.gv.at/themen/aussenpolitik/europa/eu-sanktionen-nationale-behoerden/>

AN PHOLAINN

<https://www.gov.pl/web/dyplomacja/sankcje-miedzynarodowe>
<https://www.gov.pl/web/diplomacy/international-sanctions>

AN PHORTAINGÉIL

<https://www.portaldiplomatico.mne.gov.pt/politica-externa/medidas-restritivas>

AN RÓMÁIN

<http://www.mae.ro/node/1548>

AN tSLÓIVÉIN

http://www.mzz.gov.si/si/omejevalni_ukrepi

AN tSLÓVAIC

https://www.mzv.sk/europske_zalezitosti/europske_politiky-sankcie_eu

AN FHIONLAINN

<https://um.fi/pakotteet>

AN tSUALAINN

<https://www.regeringen.se/sanktioner>

Seoladh chun fógraí a chur chuig an gCoimisiún Eorpach:

An Coimisiún Eorpach

An Ard-Stiúrthóireacht um Chobhsaíocht Airgeadais, Seirbhísí Airgeadais agus Aontas na Margaí Caipitil (AS FISMA)

Rue de Spa/Spastraat 2

1049 Bruxelles/Brussel, BELGIQUE/BELGIË

R-phost: relex-sanctions@ec.europa.eu



IARSCRÍBHINN II

Liosta earraí agus teicneolaíochta dá dtagraítear in Airteagal 4

Caibidil/Cód AC	Tuairisc ar an táirge
Caibidil 25	SALANN; SULFAR; ITHREACHA AGUS CLOCHA; ÁBHAIR PHLÁSTRÁLA, AOL AGUS STROIGHIN
Caibidil 26	MIANTA, SLAIG AGUS LUAITH
Caibidil 27	BREOSLAÍ MIANRACHA, OLAÍ MIANRACHA AGUS TÁIRGÍ DE THORADH A nDRIOGTHA; SUBSTAINTÍ BIOTÚMANACHA; CÉARACHA MIANRACHA
Caibidil 28	CEIMICEÁIN NEAMHORGÁNACHA; COMHDHÚILE ORGÁNACHA NÓ NEAMHORGÁNACHA AS MIOTAIL LÓMHARA, AS MIOTAIL TEARC-CHRÉ, AS DÚILE RADAIGHNÍOMHACHA NÓ AS ISEATÓIP
Caibidil 29	CEIMICEÁIN ORGÁNACHA
3824	Táthuithe ullmhaithe do mhúnlaí nó do chroíthe teilgcheartan; táirgí agus ullmhóidí ceimiceacha ó na tionscail cheimiceacha nó ó na tionscail ghaolmhara (lena n-áirítear iad siúd ina bhfuil meascáin de tháirgí nádúrtha), nach bhfuil sonraithe ná áirithe in áit eile
3826 00	Bithdhíosal agus meascáin atá déanta as, nach bhfuil olaí peitriúil nó olaí a fhaightear ó mhianraí bitúmanacha iontu nó ina bhfuil, de réir meáchain, níos lú ná 70 % de na holaí sin
Caibidil 72	Iarann agus cruach
Caibidil 73	Earraí déanta as iarainn nó as cruach
Caibidil 74	Copar agus earraí déanta as copar
Caibidil 75	Nicil agus earraí atá déanta de nicil
Caibidil 76	Alúmanam agus earraí déanta as alúmanam
Caibidil 78	Luaidhe agus earraí atá déanta as luaidhe
Caibidil 79	Sinc agus earraí atá déanta as sinc
Caibidil 80	Stán agus earraí déanta as stán
Caibidil 81	Táirmhíotail eile; ceirméid; earraí déanta as táirmhíotail eile nó as ceirméid
8207 13 00	UIRLISÍ CHUN CLOCHA A DHRUILEÁIL NÓ AN TALAMH A THOLLADH, IAD INMHALARTAITHE, INA bhFUIL PÁIRTEANNA OIBRE DÉANTA AS CAIRBÍDÍ MIOTAIL SINTÉARAITHE NÓ AS CEIRMÉID
8207 19 10	UIRLISÍ CHUN CLOCHA A DHRUILEÁIL NÓ AN TALAMH A THOLLADH, IAD INMHALARTAITHE, INA bhFUIL PÁIRTEANNA OIBRE DÉANTA AS DIAMANT NÓ AS DIAMANT CEIRTLEÁNAITHE
8401	Imoibreoírí núicléacha; eilimintí breosla (cartúis), nach bhfuil ionradaithe, le haghaidh imoibreoírí núicléacha; innealra agus gairis le haghaidh scaradh iseatópach:
8402	Coirí a ghineann gal uisce nó gala eile (seachas coirí uisce te le haghaidh téimh lárnaigh lenar féidir gal uisce a ghiniúint faoi lagbhru freisin); coirí uisce fhorthéite:
8403	Coirí téimh lárnaigh seachas na cinn atá faoi cheannteideal 8402
8404	Gléasra cúnta lena úsáid le coirí atá faoi cheannteideal 8402 nó 8403 (mar shampla, barainneoirí, forthéiteoirí, easbhainteoirí súiche, aisghabhálaithe gáis); comhdhlúthadain gaile uisce nó córais cumhachta gaile eile

▼ C1

Caibidil/Cód AC	Tuairisc ar an táirge
8405	Gineadóirí gáis táirgeora nó gáis uisce, gona n-íontóirí nó gan íontóirí; gineadóirí gáis; aicé- itiléine agus gineadóirí gáis comhchosúla a úsáideann próiseas uisce, gona n-íontóirí nó gan íontóirí
8406	Tuirbíní gaile uisce agus tuirbíní gaile eile:
8407	Innill loiní dócháin inmheánaigh, frithingeacha spréachadhainte nó rothlacha
8408	Innill loiní dócháin inmheánaigh d'adhaint chombhrú (innill díosail nó leathdhíosail):
8409	Páirteanna atá oiriúnach le húsáid le hinnill faoi cheannteidil 8407 nó 8408 go príomha nó leis na hinnill sin amháin
8410	Tuirbíní hidrálacha, rothaí uisce, maille leis na rialtáin a ghabhann leo
8411	Innill turba-scairde, turba-liáin agus tuirbíní gáis eile
8412	Innill agus mótair eile
8413	Caidéil le haghaidh leachtanna, bídís feistithe le feiste tomhais nó ná bídís; ardaitheoirí leachta
8414	Caidéil aeir nó folúis, comhbhrúiteoirí agus gaothráin aeir nó gáis eile; cochaill aerála nó athchúrsála a chuimsíonn gaothrán, bídís feistithe le scagairí nó ná bídís
8415	Meaisíní aerchóirithe, ina bhfuil gaothrán mótarthiomáinte agus eilimintí chun an teocht agus taise an aeir a athrú, lena n-áirítear na meaisíní nach féidir taise an aeir a rialú ann ar leithligh
8416	Dóirí foirnéise i gcomhair breosla leachtach, i gcomhair breosla soladach mionaithe nó i gcomhair gáis; stócalaithe meicniúla gona ngrátaí meicniúla, gona scaoilteoirí luatha meicniúla agus fearais chomhchosúla
8417	Foirnéisí agus oighinn thionsclaíocha, lena n-áirítear loisceoirí, neamhleictreacha
8418	Cuisneoirí, reoiteoirí agus trealamh cuisniúcháin nó reo eile, bídís leictreach nó ná bídís; caidéil teasa seachas meaisíní aerchóirithe atá faoi cheannteideal 8415
8420	Meaisíní cleandrála nó meaisíní rollta eile, seachas i gcomhair miotal nó gloine, maille leis na sorcóirí a ghabhann leo
8421	Lártheifneoirí, lena n-áirítear triomadóirí lártheifeacha; innealra agus gléasra scagacháin nó íonúcháin, i gcomhair leachtanna nó gás
8422	Miasniteoirí; innealra le haghaidh buidéal nó coimeádáin eile a ghlanadh nó a thriomú; innealra i gcomhair buidéal, cannaí, boscaí, málaí nó coimeádáin eile a líonadh, a dhúnadh, a shéalú nó a lipéadú; innealra le buidéal, prócaí, feadáin agus coimeádáin chomhchosúla a chur i gcapsúl; innealra pacála nó clúdaithe eile (lena n-áirítear innealra teas-chrapchlúdaithe); innealra le haghaidh deochanna a aerú
8423	Innealra meáite (meánna a bhfuil íogaireacht 5 cg nó níos fearr acu as an áireamh), lena n-áirítear innill chomhairimh nó seiceála; meáchain i gcomhair meaisíní meáite de gach cineál
8424	Fearais mheicniúla (bídís oibrithe de lámh nó ná bídís) i gcomhair leachtanna nó púdair a theilgean, a easrú nó a spraeáil; múchtóirí tine bídís luchtaithe nó ná bídís; gunnaí spraeála agus fearais chomhchosúla; meaisíní gaile nó greanroiste agus meaisíní scairdteilgin chomhchosúla

▼ C1

Caibidil/Cód AC	Tuairisc ar an táirge
8425	Tácla agus croch ulóige seachas crocha scipe; crainn tochrais agus tochaird; seacanna
8426	Deiricí long; craenacha, lena n-áirítear craenacha cábla; frámaí tógála inaistrithe, iompróirí scaradh gabhail agus trucaílí oibreacha atá feistithe le craein
8427	Trucaílí ladhar-ardaitheora; trucaílí oibrithe eile atá feistithe le trealamh ardúcháin nó láimhseála
8428	Innealra eile tógála, láimhseála, luchtaithe nó díluchtaithe (mar shampla, ardaitheoirí, staighrí creasa, iompróirí, telefeiricí)
8429	Ollscartairí, claonscartairí, grádóirí, leibhéalaithe, scríobairí, sluaistí meicniúla, tochtóirí, lódairí sluaisteacha, meaisíní sactha agus rollóirí bóthair, iad féinghluaiste
8430	Innealra eile gluaiste, grádaithe, leibhéalaithe, scríobtha, tochtailte, sactha, balctha, asbhainte nó tollta, le haghaidh cré, mianraí nó mianta; sáiteoirí píle agus asbhainteoirí píle; céachtaí sneachta agus séidirí sneachta
8431	Páirteanna atá oiriúnach le húsáid leis an innealra atá faoi cheannteideal 8425 go 8430 amháin nó go príomha
8432	Innealra talmhaíochta, gortóireachta nó foraoiseachta le haghaidh ullmhú nó saothrú na hithreach; rollóirí faiche nó faiche spóirt
8435	Preasanna, brúiteoirí agus innealra comhchosúil a úsáidtear i dtáirgeadh fiona, leann úll, súnna torthaí nó deochanna comhchosúla
8436	Innealra eile talmhaíochta, gortóireachta, foraoiseachta, innealra um choinneáil éanlaithe clóis nó coinneáil na mbeach lena n-áirítear gléasra péactha ar a bhfuil trealamh meicniúil nó teirmeach feistithe; goradán agus aonaid ghoir éanlaithe clóis
8437	Meaisíní chun síolta, grán nó glasraí léagúmacha triomaithe a ghlanadh, a shórtáil nó a ghrádú; innealra a úsáidtear i dtionscadal na muilleála nó le gránbhairr nó glasraí léagúmacha triomaithe a oibriú, seachas innealra den chineál a úsáidtear ar fheirm
8439	Innealra le haghaidh laion d'ábhar snáithíneach ceallúlósach a dhéanamh nó le haghaidh páipéar nó cairtchlár a dhéanamh nó a chríochnú
8440	Innealra leabharcheangail, lena n-áirítear meaisíní fuála leabhar
8441	Innealra eile le haghaidh laion páipéir, páipéar nó cairtchlár a chóiriú, lena n-áirítear meaisíní gearrtha de gach cineál
8442	Innealra, gléasra agus trealamh (seachas na meaisín-uirlisí atá faoi cheannteidil 8456 go 8465) chun plátaí, sorcóirí nó comhpháirteanna priontála eile a ullmhú nó a dhéanamh; plátaí, sorcóirí agus comhpháirteanna priontála eile; plátaí, sorcóirí agus clocha liteagrafacha, a ullmháitear chun priontála (mar shampla, plánáilte, gránaithe nó snasta)
8443	Innealra priontála a úsáidtear i gcomhair priontála le plátaí, sorcóirí agus comhpháirteanna priontála eile atá faoi cheannteideal 8442; printéirí eile, meaisíní cóipeála agus meaisíní facs, bídis ceangailte le chéile nó ná bídis; páirteanna gona ngabhálais
8444 00	Meaisíní i gcomhair ábhair theicstíle de dhéantús an duine a easbhrú, a tharraingt, a uigeachtú nó a ghearradh:

▼ C1

Caibidil/Cód AC	Tuairisc ar an táirge
8445	Meaisíní chun snáithíní teicstíle a ullmhú; meaisíní sníomhacháin, dúblála nó casta agus innealra eile le snáth teicstíle a tháirgeadh; meaisíní tochraiste nó casta teicstíle (lena n-áirítear casadh innigh) agus meaisíní le haghaidh snáthanna teicstíle a ullmhú le húsáid ar na meaisíní faoi cheannteideal 8446 nó 8447
8447	Meaisíní cniotála, meaisíní nascála lúb agus meaisíní le haghaidh snáth galúnaithe, tulle, lása, bróidnéireachta, ciumhsóga, bréid nó eangái agus meaisíní le haghaidh caitínithe
8448	Meaisíní cúnta le húsáid le meaisíní atá faoi cheannteidil 8444, 8445, 8446 nó 8447 (mar shampla, dobaithe, jacquard, stopanna uathoibríocha, meicníochtaí athraithe tointeálacha); páirteanna agus gabhálaí atá oiriúnach le húsáid le meaisíní faoin gceannteideal seo nó faoi cheannteidil 8444, 8445, 8446, 8447 amháin nó go príomha (mar shampla, fearsaí agus eitleoirí fearsaíde, cardáil éadaí, ciortha, siní easbhrúite, tointeálacha, úmacha agus frámaí úma, snáthaidí osánachta)
8449 00 00	Innealra le haghaidh feilt nó earraí neamhfhite a mhonarú nó a chríochnú sa phíosa nó i gcruithanna, lena n-áirítear innealra le hataí feilt a dhéanamh; bloic le haghaidh hataí a dhéanamh
8450	Meaisíní níocháin tí nó le haghaidh neachtlainne, lena n-áirítear meaisíní a dhéanann idir níochán agus triomú:
8452	Meaisíní fuála, seachas meaisíní fuála leabhar faoi cheannteideal 8440; troscán, boinn agus clúdaigh arna ndearadh go speisialta le haghaidh meaisíní fuála; snáthaidí meaisíní fuála
8453	Innealra le haghaidh ullmhúchán, súdaireacht nó oibriú seithí, craicne nó leathair nó le haghaidh coisbheart nó earraí eile seithí, craicne nó leathair a dhéanamh nó a dheisiú, seachas meaisíní fuála
8454	Tiontairí, ladair, múnlaí tinní agus meaisíní teilgthe, de chineál a úsáidtear sa mhíotailoireacht nó i dteilgcheartaí miotail
8455	Muilte rollta miotail maille leis na rollaí a ghabhann leo
8456	Meaisín-uirlisí le haghaidh ábhar a shaoirsiú trí ábhar a bhaint, le próisis léasair nó solais nó léis fótóin eile, léis ultrasonaigh, díluchtaithe leictirigh, leictricheimiceacha, léis leictreoin, léis ianaigh nó stua-phlasmacha; meaisíní gearrtha scaird uisce
8457	Ionaid mheaisínithe, meaisíní tógála seasta (stáisiún singil) agus meaisíní aistrithe ilstáisiúin, chun miotal a oibriú
8458	Deileanna (lena n-áirítear ionaid deileadóireachta) le miotail a bhaint
8459	Meaisín-uirlisí (lena n-áirítear meaisíní ceannaonaid den chineál a bhíonn ar shleamhnáin) i gcomhair druileáil, tolladh, muilleáil, snáithiú nó tapáil trí mhíotal a bhaint, seachas ar dheileanna (lena n-áirítear ionaid deileadóireachta) atá faoi cheannteideal 8458
8460	Meaisín-uirlisí le haghaidh miotal nó miotail cheirmeacha a dhíbhurrú, a fhaobhrú, a líomhadh, a mhíniú, a rádalú, a shnasú nó a chríochnú ar bhealach eile trí chlocha meilte, scríobaigh nó táirgí snasta, seachas meaisíní gearrtha giair, meilte giair nó críochnaithe giair atá faoi cheannteideal 8461
8461	Meaisín-uirlisí le haghaidh plánáil, múnlu, déanamh sliotán, bróitseáil, gearradh giair, meilt giair nó críochnú giair, sábhadh, teascadh agus uirlisí meaisín eile a oibríonn trí mhíotal nó miotail cheirmeacha a bhaint, nach bhfuil sonraíthe ná áirithe in áit eile

▼ C1

Caibidil/Cód AC	Tuairisc ar an táirge
8462	Meaisín-uirlisí (lena n-áirítear preasanna) le haghaidh miotal a oibriú trína ghaibhniú, a ghreadú nó stampáil díse; meaisín-uirlisí (lena n-áirítear preasanna) le haghaidh miotal a oibriú trí lúbadh, filleadh, díriú, leacú, fiar, puinseáil nó eangú; preasanna le haghaidh cairbídí nó cairbídí miotail a oibriú, nach sonraítear thuas
8463	Meaisín-uirlisí eile le haghaidh miotal nó miotal ceirmeach a oibriú, gan ábhar a bhaint
8464	Meaisín-uirlisí le haghaidh cloch, ceirmigh, coinchréit, stroighin aispeiste nó ábhair mhianracha eile a oibriú nó le haghaidh gloine a oibriú go fuar
8465	Meaisín-uirlisí (lena n-áirítear meaisíní le haghaidh tairneála, stáplála, gliúála nó cóimeála eile) le haghaidh adhmaid, corc, cnámh, rubar cruaidh, plaistigh chrua nó ábhair chrua chomhchosúla a oibriú
8466	Páirteanna agus gabhálaí atá oiriúnach le húsáid go príomha leis na meaisíní atá faoi cheannteidil 8456 go 8465, nó chuige sin amháin, lena n-áirítear coinneálaithe saothair nó uirlise, cinn díse féinoscailte, cinn a scoilteann agus ceangaltáin speisialta eile le haghaidh na meaisín-uirlisí; coinneálaithe uirlise d'aon chineál uirlise le haghaidh oibriú i ngreim láimhe
8467	Uirlisí le haghaidh oibriú i ngreim láimhe, neomatach, hidrálach nó le mótar féinchuimsithe leictreach nó neamhleictreach
8468	Innealra agus gléasra le haghaidh sádrála, práisála nó táthaithe, bíodh sé in ann gearradh nó ná bíodh, seachas iad siúd faoi cheannteideal 8515; meaisíní agus fearais a oibríonn le gás chun faghairt a chur ar dhromchlaí
8469 00	Clóscríobhain seachas printéirí atá faoi cheannteideal 8443; meaisíní próiseála focal
8470	Áireamhain agus meaisíní taifeadta sonraí, atáirgthe agus taispeána de mhéid póca a bhfuil feidhmeanna ríofa acu; meaisíní cuntasáiochta, meaisíní francála poist, meaisíní eisithe ticéad agus meaisíní comhchosúla, a chuimsíonn gaireas ríofa; scipéid airgid
8471	Meaisíní próiseála sonraí uathobríocha maille leis na haonaid a ghabhann leo; léitheoirí maighnéadacha nó optúla, meaisíní le sonraí a thras-scríobh ar mheáin sonraí i bhfoirm chódaithe agus meaisíní le haghaidh sonraí mar seo a phróiseáil, nach bhfuil sonraithe ná áirithe in áit eile
8472	Meaisíní oifige eile (mar shampla, meaisíní heicteagraf nó dúblála stionsail, meaisíní breactha seoltaí, dáileoirí uathobríocha nótaí airgid, meaisíní sórtála bonn, meaisíní comhairimh nó clúdaithe bonn, meaisíní bioraithe pinn luaidhe, meaisíní bréifnithe nó stáplála)
8473	Páirteanna agus gabhálaí (seachas clúdaigh, cásanna iompair agus mar sin de) atá oiriúnach le húsáid leis na meaisíní atá faoi cheannteideal 8469 go 8472 amháin nó leo siúd go príomha
8474	Innealra le haghaidh cré, cloch, mianta nó substaintí mianracha eile, i bhfoirm sholadach (lena n-áirítear púdar nó taos) a shórtáil, a chriathrú, a scaradh, a ní, a bhrú, a mheilt, a mheascadh nó a fhuineadh; innealra i gcomhair breoslaí soladacha mianracha, taos ceirmeach, ábhair plástrála nó táirgí mianracha eile i bhfoirm púdair nó taos a cheapadh nó a mhúnlú; meaisíní le haghaidh múnláil teilgcheárta a dhéanamh de ghaineamh
8475	Meaisíní le haghaidh lampaí, feadáin nó comhlaí nó splancbholgáin, leictreacha nó leictreonacha i gclúdaigh ghloine a chóimeáil; meaisíní le haghaidh saoirsiú te nó monarú; a dhéanamh ar ghloine nó earraí gloine

▼ C1

Caibidil/Cód AC	Tuairisc ar an táirge
8476	Meaisíní díola earraí uathoibriúchá (mar shampla, stampaí poist, toitíní, bia nó deochanna), lena n-áirítear meaisíní sóinseála airgid
8477	Innealra le haghaidh rubar nó plaistigh a shaoirsiú le haghaidh táirgí a dhéanamh as na hábhair seo, nach bhfuil sonraithe nó san áireamh in aon áit eile sa chaibidil seo
8478	Innealra le haghaidh tobac a ullmhú nó a chóiriú nach bhfuil sonraithe nó san áireamh in aon áit eile sa chaibidil seo
8479	Meaisíní agus fearais mheicniúla a bhfuil feidhmeanna ar leith acu nach bhfuil sonraithe, nó nach bhfuil san áireamh in aon áit eile sa chaibidil seo
8480	Boscaí múnla le haghaidh teilgcheárta miotail; boinn múnlaíthe; patrúin múnlaíthe; múnlaí le haghaidh miotail (seachas múnlaigh tinní), cairbídí miotail, gloine, ábhair mhianracha, rubar nó plaistigh
8481	Sconnaí, cocaí agus fearais eile le haghaidh píopaí, blaoscanna coire, umair, dabhcha nó a leithéidí, lena n-áirítear comhláí laghdaithe brú agus comhláí rialaithe teasa
8482	Imthacaí gránacha nó rollacha
8483	Fearsaidí tarchuir (lena n-áirítear ceamfhearsaidí agus cromfhearsaidí) agus cromáin; cásálacha imthacaí agus imthaca loma fearsaide; giair agus giarail; gránscriúna nó rollscriúna; giarbhoscaí agus athraitheoirí luais eile, lena n-áirítear tiontairí casmhóiminte; rothaí lústair agus ulóga, lena n-áirítear bloic ulóige; crága agus cúpláin fearsaide (lena n-áirítear ailt uilíocha)
8484	Gaiscéid agus ailt chomhchosúla leathánra mhiotail comhcheangailte le hábhar eile a bhfuil dhá shraith nó níos mó miotail ann; foirne nó ilchnusaigh gaiscéad agus alt comhchosúil, a bhfuil comhdhéanamh neamhchosúil acu, curtha i máilíní, i gclúdaigh nó i bpacáil comhchosúil; séaláí meicniúla
8486	Meaisíní agus gléasra de chineál a úsáidtear go príomha le haghaidh peileanna nó sliseoga leathsheoltóirí, gairis leathsheoltóirí, ciorcaid leictreonacha chomhtháite nó painéil chothroma chun taispeána, nó chuige sin amháin; meaisíní agus gléasra atá sonraithe i nóta 9(C) a ghabhann leis an gcaibidil seo; páirteanna agus gabhálais
8487	Páirteanna innealra, nach bhfuil seoláin leictreonacha, inslitheoirí, corna, tadhaill nó gnéithe leictreonacha eile iontu, nach bhfuil sonraithe ná áirithe in aon áit eile sa chaibidil seo
8501	Mótair leictreacha agus gineadóirí (seachas foirne ginte)
8502	Foirne ginte leictreachais agus tiontairí rothlacha
8503	Páirteanna atá oiriúnach le húsáid le mótair agus gineadóirí leictreacha, le tacair ginte leictreachais nó le tiontairí rothlacha nach bhfuil sonraithe in aon áit eile, agus le húsáid leo sin amháin nó go príomha
8504	Claochladáin leictreacha, tiontairí statacha (mar shampla, coigeartóirí) agus ionduchtóirí; páirteanna díobh
8505	Leictreamaighnéid (seachas le haghaidh úsáid mhíochaine); buanmaighnéid agus earraí arna gceapadh le bheith ina mbuanmaighnéid tar éis iad a mhaighnéadú; smutáin, clampaí agus gairis coinneála comhchosúla leictreamaighnéadacha nó buanmaighnéadacha; cúpláin, crága agus coscáin leictreamaighnéadacha; cinn tógála leictreamaighnéadacha; páirteanna díobh
8507	Taisc-chealla leictreacha, lena n-áirítear na scarthóirí a ghabhann leo, bídis cearnógach nó dronuilleogach nó ná bídis; páirteanna díobh (gan iad sin atá caite ná iad sin atá déanta as rubar neamhchrúate nó as teicstílí neamhchrúate)

▼ C1

Caibidil/Cód AC	Tuairisc ar an táirge
8511	Fearais adhainte nó tosaithe leictreacha de chineál a úsáidtear le hinnill dócháin inmheánaigh lena mbaineann spréach-adhaint nó brú-adhaint (mar shampla, maignéatónna adhainte, maignéató-dineamónna, cornaí adhainte, spréachphlocóidí agus plocóidí téitheora, mótaí dúisithe); gineadóirí (mar shampla, dineamónna, ailtéarnóirí) agus gearrthóga de chineál a úsáidtear i gcomhpháirt le hinnill dá leithéid; páirteanna díobh
8514	Foirnéisí agus oighinn leictreacha tionsclaíochta nó saotharlainne (lena n-áirítear iad siúd a fheidhmíonn trí ionduchtú nó cailteanas tréleictreach); trealamh tionsclaíochta nó saotharlainne eile le haghaidh cóireáil teasa ábhar trí ionduchtú nó cailteanas tréleictreach; páirteanna díobh
8515	Meaisíní leictreacha agus gléasra leictreach (lena n-áirítear gás a théitear go leictreach), léasair nó léis solais nó fótóin eile, ultrasonacha, bíogtha maignéadaigh nó sádrála stua-phlasmaí, brásála nó táthúcháin, bídis ábalta gearradh nó ná bídis; meaisíní agus gairis leictreacha le haghaidh spraeáil the miotail, cairbíidí miotail nó ceirméad; páirteanna díobh (seachas gunnaí le haghaidh spraeáil the miotail)
8525	Gléasra tarchuir le haghaidh craoladh raidió nó teilifíse, bíodh gléasra fála nó taifeadta nó atáirgthe fuaime ann nó ná bíodh; ceamaraí teilifíse, ceamaraí digiteacha agus fístaireadán cheamara
8526	Gléasra radair, gléasra cúnata radloingseoireachta agus gléasra cianrialaithe raidió
8527	Gléasra glactha le haghaidh craoladh raidió, bíodh gléasra taifeadta nó atáirgthe fuaime nó clog comhcheangailte, sa chásáil chéanna, nó ná bíodh
8528	Monatóirí agus teilgeoirí, nach gcuimsíonn gléasra glactha teilifíse; gléasra glactha le haghaidh teilifíse, bíodh glacadóir craolta raidió nó gléasra taifeadta nó atáirgthe fuaime nó físe ann nó ná bíodh
8529	Páirteanna atá oiriúnach le húsáid leis an ngléasra atá faoi cheannteidil 8525 go 8528 amháin nó leo siúd go príomha
8530	Trealamh comharthaíochta, sábháilteachta nó rialaithe tráchta leictreach le haghaidh iarnród, trambhealaí, bóithre, uiscebhealaí intíre, áiseanna páirceála, fearais chalafoirt nó aerpháirceanna; páirteanna díobh (seachas trealamh meicniúil nó leictirmeicniúil atá faoi cheannteideal 8608)
8531	Gléasra leictreach fuaime nó físe; páirteanna díobh (mar shampla, cloig, bonnáin, painéil táscaire, aláraim buirgléireachta nó tine) (seachas iad siúd le haghaidh rothar, mótarfheithicil agus comharthaíocht tráchta)
8532	Toilleoirí leictreacha, seasta, inathraithe nó inchoigeartaithe (réamhshocraithe); páirteanna díobh
8533	Friotóirí leictreacha (lena n-áirítear réastait agus poitéinsiméadair), seachas friotóirí téimh; páirteanna díobh
8534	Ciorcaid phriontáilte
8535	Gléasra leictreonach le haghaidh ciorcaid leictreonacha a lascadh nó a chosaint, nó le haghaidh naisc a dhéanamh le ciorcaid leictreacha nó laistigh díobh (mar shampla, lasca, fíúsanna, coscairí tintrí, teorantóirí voltais, sochtóirí borrrha, plocóidí agus nascóirí eile, comhchumair), le haghaidh voltas níos mó ná 1 000 V (seachas deasca rialaithe, caibinéid rialaithe, painéil rialaithe, etc. faoi cheannteideal 8537)
8536	Gléasra leictreonach le haghaidh ciorcaid leictreonacha a lascadh nó a chosaint, nó le haghaidh naisc a dhéanamh le ciorcaid leictreacha nó laistigh díobh (mar shampla, lasca, athsheachadáin, fíúsanna, coscaire tintrí, plocóidí, soicéid, coinneálaithe lampa, comhchumair), le haghaidh voltas nach mó ná 1 000 V (seachas deasca rialaithe, caibinéid rialaithe, painéil rialaithe, etc. faoi cheannteideal 8537)

▼ C1

Caibidil/Cód AC	Tuairisc ar an táirge
8537	Cláir, painéil, consóil, deasca, caibinéid agus boinn eile, atá feistithe le dhá ghairesas nó níos mó faoi cheannteidil 8535 nó 8536, le haghaidh rialú leictreach nó dáileadh leictreachais, iad siúd a bhfuil uirlisí nó gairis faoi Chaibidil 90 mar chuid díobh san áireamh, agus caibinéid rialaithe uimhriúil (seachas gairesas lasctha le haghaidh teileafónaíochta líne nó teileagrafaíochta líne nó le haghaidh fóin fise)
8538	Páirteanna atá oiriúnach le húsáid leis an ngaireas faoi cheannteidil 8535, 8536 nó 8537 amháin nó go príomha agus nach bhfuil sonraithe in aon áit eile
8539	Lampaí filiméid leictirigh nó scaoilte, lena n-áirítear aonaid lampa léis shéalaithe agus lampaí ultraivialaite nó infridhearga; stua-lampaí; páirteanna díobh
8540	Comhlaí agus feadáin teirmianacha, catóide fuaire nó fótacatóide (mar shampla, comhlaí agus feadáin folúis nó gaile nó feadáin atá líonta le gás, comhlaí agus feadáin coigeartaithe stua-mhearcair, feadáin gha-chatóideacha, feadáin le haghaidh ceamaraí teilifíse); páirteanna díobh
8541	Dé-óidí, trasraitheoirí agus gléasanna leathsheoltóra comhchosúla; gairis leathsheoltóra fótamhothálacha, lena n-áirítear cealla fótavoltacha bídis cóimeáilte i módúil nó cóirithe ina bpainéil nó ná bídis (seachas gineadóirí fótavoltacha); dé-óidí astaithe solais, criostail phísileictreacha shuite; páirteanna díobh
8542	Ciorcaid leictreonacha iomlánaithe; páirteanna díobh
8543	Meaisíní agus gléasra leictreonach a bhfuil feidhmeanna ar leith acu nach bhfuil sonraithe in aon áit eile i gCaibidil 85; páirteanna díobh
8544	Sreang inslithe (cruanta nó anóidithe san áireamh), cábla inslithe (cábla comhaiseach san áireamh) agus seoltóirí leictreacha inslithe eile, bíodh nascóirí feistithe díobh nó ná bíodh; cáblaí snáithín optúil, déanta de shnáithíní i dtruaillí ar leith, bídis cóimeáilte le seoltóirí leictreacha nó feistithe le nascóirí nó ná bídis
8545	Leictreoidí carbóin, scuaba carbóin, carbóin le haghaidh lampaí nó ceallraí agus earraí eile graifíte nó carbóin eile, le miotal nó gan é, de chineál a úsáidtear chun críocha leictreacha
8546	Inslitheoirí leictreacha atá déanta as aon ábhar (seachas feistis inslithe)
8547	Feistis inslithe le haghaidh meaisíní leictreacha, fearais nó trealamh, ar feistis iad nach bhfuil iontu ach ábhar inslithe seachas aon mhion-chomhpháirt miotail (mar shampla, soicéid snáithithe) a cuireadh san áireamh le linn a mhúnlaíthe chun críocha cóimeála amháin, seachas inslitheoirí atá faoi cheannteideal 8546; feadánra seolphiobáin leictreach agus ailt díobh, déanta de tháirmhiotail léineáilte le hábhar inslithe
8548	Fuíoll agus drámh cealla príomhúla, ceallraí príomhúla agus taisc-cheallraí leictreacha; cealla príomhúla caite, ceallraí príomhúla caite agus taisc-cheallraí caite; páirteanna leictreacha d'innealra nó de ghléasra, nach bhfuil sonraithe in aon áit eile i gCaibidil 85
	Táirgí rúnda faoi Chaibidil 85; earraí faoi Chaibidil 85 arna n-iompar leis an bpost nó leis an mbeartphost (extra)/cód athdhéanta le haghaidh dáileadh staidrimh
Caibidil 86	Innill iarnróid nó trambhealaigh, rothstoc agus páirteanna díobh; daingneáin agus feistis riain iarnróid nó trambhealaigh agus páirteanna díobh; trealamh meicniúil (lena n-áirítear leictirmeicniúil) comharthaíochta tráchta de gach cineál
8701	Tarracóirí (seachas tarracóirí atá faoi cheannteideal 8709)
8702	Mótarfheithiclí chun deichniúr nó níos mó a iompar, an tiománaí san áireamh
8704	Mótarfheithiclí chun earraí a iompar

▼ C1

Caibidil/Cód AC	Tuairisc ar an táirge
8705	Mótarfeithiclí sainchuspóireacha, seachas iad siúd atá ceaptha go príomha chun daoine nó earraí a iompar (mar shampla, leoraithe deisithe, leoraithe craenach, feithiclí comhraicthe dóiteáin, leoraithe measctha coinchréite, leoraithe scuabadóra bóthair, leoraithe spraeála, ceardlanna taistil, aonaid raideolaíocha taistil)
8706 00	Fonnaí a bhfuil inneall feistithe iontu, do na mótarfeithiclí atá faoi cheannteidil 8701 go 8705
8709	Trucaílí monarchan, de chineál féinghluaiste, nach bhfuil trealamh tógála nó láimhseála feistithe orthu, den chineál a úsáidtear i monarchana, trádstórais, limistéir duganna nó aerfoirt do ghearr-iompar earraí; tarracóirí den chineál a úsáidtear ar ardáin stáisiúin iarnróid; páirteanna de na feithiclí thuasluaite
8710 00 00	Tancanna agus feithiclí troda armúrtha eile, de chineál mótarthreallmhaite, bíodh airm feistithe iontu nó ná bíodh, agus páirteanna díobh
8716	Leantóirí agus leathleantóirí; feithiclí eile, nach feithiclí innealltiomáinte iad; páirteanna díobh
Caibidil 88	Aerárthaí, spásárthaí, agus páirteanna díobh
Caibidil 89	Longa, báid agus déanmhais shnámhacha
Caibidil 98	Gléasra iomlán tionscail
7106	Airgead (lena n-áirítear airgead atá plátáilte le hór nó le platanam), é neamhshaoirsithe nó i bhfoirmeacha leathmhonaraithe, sin nó ina phúdar
7107	Táirmhíotail, iad cumhdaithe le hairgead leathmhonaraithe, ach gan aon saoirsiú déanta orthu thairis sin
7108	Ór (lena n-áirítear ór atá plátáilte le platanam), é neamhshaoirsithe, nó é i bhfoirmeacha leathmhonaraithe, nó i bhfoirm púdair
7109	Táirmhíotail nó airgead, iad cumhdaithe, gan saoirsiú breise déanta orthu thar an leathmhonarú
7110	Platanam, é neamhshaoirsithe nó i bhfoirmeacha leathmhonaraithe, nó é ina phúdar
7111	Táirmhíotail, airgead nó ór, cumhdaithe le platanam, leathmhonaraithe agus gan aon saoirsiú thairis sin
7112	Fuíoll agus dramhaíl déanta as miotal lómhar nó as miotal cumhdaithe le miotal lómhar; fuíoll agus dramhaíl eile ina bhfuil miotal lómhar nó comhdhúile de mhíotail lómhara de chineál a úsáidtear go príomha chun miotal lómhar a athghnóthú
9013	Gairis leachtchriostail nach earraí iad dá bhforáiltear ar shlí níos sonraí faoi cheannteidil eile; léasair seachas dé-oidí léasair; fearais agus uirlisí optúla eile nach bhfuil sonraithe ná áirithe in áit eile sa chaibidil seo:
9014	Compáis threo-aimsithe; ionstraimí agus fearais loingseoireachta eile:
9015	Suirbhéireacht (lena n-áirítear suirbhéireacht fhótaghram-mhéadrach), uirlisí agus fearais hidreagrafacha, aigéaneolaíocha, hidreolaíocha, mheitéareolaíocha nó gheoifisiceacha, gan compáis a áireamh; raonaimsitheoirí
9025	Hidriméadair agus uirlisí comhchosúla a bhíonn ar snámh ar uisce, teirmiméadair, píriméadair, baraiméadair, taismhéadair agus sícriméadair, arb uirlisí iad is féidir nó nach féidir a úsáid le taifeadadh, agus aon mheascán de na huirlisí sin
9026	Uirlisí agus gléasra chun sreabhadh, leibhéal, brú nó athróa eile leachtanna nó gás a thomhas nó a sheiceáil (sreabhmhéadair, tomhsairí leibhéil, manaiméadair, méadair teasa, mar shampla), gan na huirlisí agus na gléasra a áireamh atá faoi cheannteidil 9014, 9015, 9028 nó 9032

▼ **C1**

Caibidil/Cód AC	Tuairisc ar an táirge
9027	Uirlisí agus gléasra le haghaidh anailís fhisiceach nó cheimiceach (mar shampla, polaraiméadair, athraonmhéadair, speictriméadair, gléasra anailíse gáis nó deataigh); uirlisí agus gléasra chun slaodacht, póiriúlacht, méadú, teannas dromchla nó a leithéidí a thomhas nó a sheiceáil; uirlisí agus gléasra chun cainníochtaí teasa, fuaimne nó solais a thomhas nó a sheiceáil (lena n-áirítear nochtmhéadair); micreatóim
9028	Méadar soláthair nó táirgeachta gáis, leachta nó leictreachais, lena n-áirítear méadair chalabraithe diobh
9029	Áiritheoirí imrothluithe, áiritheoirí táirgeachta, tacsaiméadair, odaiméadair, peidiméadair agus a leithéidí; táscairí luais agus tacaiméadair, seachas na cinn atá faoi cheannteideal 9014 nó 9015; stróbascóip
9030	Ascalascóip, anailíseoirí speictrim agus uirlisí agus gléasra eile chun cainníochtaí leictreachais a thomhas nó a sheiceáil, gan na méadair faoi cheannteideal 9028; uirlisí agus gléasra chun radaíocht ianúcháin alfa, béite, gáma, X-ghathach, chosmach nó radaíocht ianúcháin eile a thomhas nó a bhrath
9031	Ionstraimí, fearais nó meaisíní tomhais nó seiceála nach bhfuil sonraithe ná áirithe in áit eile sa chaibidil seo; teilgeoirí próifíle:
9032	Uirlisí uathoibríocha agus gairis uathoibríocha rialála nó rialaithe
9033	Páirteanna agus gabhálais (nach bhfuil sonraithe ná áirithe aon áit eile sa chaibidil seo) do mheaisíní, fearais, uirlisí nó gairis atá faoi Chaibidil 90